

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Na osnovu člana 29. Zakona o zaštiti i spašavanju ljudi i materijalnih dobara od prirodnih i drugih nesreća («Službene novine Federacije BiH», broj: 39/03 i 22/06) i člana 30. Statuta Općine Tešanj («Službeni glasnik Općine Tešanj», broj 11/07), a u vezi sa članom 33. Pravilnika o načinu rada i funkcioniranja štabova i povjerenika civilne zaštite («Službene novine Federacije BiH», broj: 39/03 i 22/06), Općinski načelnik na prijedlog Općinskog štaba civilne zaštite **d o n o s i:**

ODLUKU

**O PROGLAŠENJU PRESTANKA STANJA PRIRODNE NESREĆE «POPLAVA»
NA PODRUČJU OPĆINE TEŠANJ**

Član 1.

Prolašava se prestanak stanja prirodne nesreće „POPLAVA“ na području općine Tešanj na dan 24.05.2014.godine.

Član 2.

Stavlja se van snage Odluka o proglašenju stanja prirodne nesreće - «POPLAVA» na području općine Tešanj, broj:02-44-4-1050-2/14. od 15.05.2014. godine.

Član 3.

Općinski štab civilne zaštite će nastaviti svoj rad prema procijenjenim potrebama i situaciji na terenu a u skladu sa planskim održavanjem sjednica sve dok traje angažovanje neophodnih službi.

Član 4.

Na terenu prestaje angažovanje građevinskih firmi i službi angažovanih u sanaciji prirodne nesreće, izuzev građevinskih firmi i službi koje imaju ugovorene, a neizvršene obaveze i to: AB TRANS d.o.o Tešanj i TRANS-KOP d.o.o. Tešanj.

Obavezuje se KP „Rad“ Tešanj da nastavi sa saniranjem nastalih posljedica prirodne nesreće u skladu sa potrebama.

Član 5.

Na otklanjanju posljedica u okviru svoje redovne djelatnosti dodatno će biti angažovane općinske službe i to:

1. Služba civilne zaštite (ispumpavanje bunareva, dostava pitke vode na poplavljeno područje, praćenje situacije na terenu i druge potrebne poslove),

2. Služba za finansije, privredu, komunalne i inspekcije poslove (prati utrošak interventnih finansijskih sredstava općine, kantona i federacije i izvještava općinskog Načelnika),
3. Služba za društvene djelatnosti i investicije (koordinira rad sa mjesnim zajednicama na poplavljenom području na otklanjanju posljedica prirodne nesreće i druge potrebne poslove).
4. Dom zdravlja sa Poliklinikom Tešanj (putem Higijensko epidemiološke službe kordinira rad na dezinfekciji, dezinsekciji i deratizaciji na poplavljenom području).

Član 6.

Obavezuje se Općinska komisija za procjenu šteta imenovana Rješenjem broj: 07-49-2-1064/14 od 19.05.2014.godine da odredi rok za procjenu šteta i izradu zbirnog izvještaja za procjenjenu šteta u skladu sa članom. 11 tačka. 2 i 5 Uredbe o jedinstvenoj metodologiji za procjenu šteta od prirodnih i drugih nesreća („Sl.novine Federacije BiH,, broj:35/04 i 38/06).

Član 7.


Ova Odluka stupa na snagu danom donošenja i bit će objavljena u «Službenom glasniku Općine Tešanj» i putem raspoloživih medija.

DOSTAVLJENO:

1. Svim mjesnim zajednicama od 1-25,
2. Svim preduzećima,
3. Općinskom štabu CZ,
4. PU Tešanj,
5. Svim lokalnim medijima,
6. «Službeni glasnik Općine Tešanj»,
7. a/a

Broj: 02-44-4-1050-3/14

Datum: 24.05.2014. godine

**OPĆINSKI NAČELNIK**
Mr. Sc. Suad Huskić, profesor